

মুনাফার উদ্দেশ্যে বিশ্ববিদ্যালয় চলতে দেওয়া হবে না

শিক্ষামন্ত্রী

■ সমকাল প্রতিবেদক

মুনাফার উদ্দেশ্যে কোনো বেসরকারি বিশ্ববিদ্যালয় চলতে দেওয়া হবে না বলে জানিয়েছেন শিক্ষামন্ত্রী নুরুল ইসলাম নাহিদ। তিনি বলেছেন, 'নির্ধারিত শর্ত পূরণ করতে যে সব বেসরকারি বিশ্ববিদ্যালয় ব্যর্থ হয়েছে, যারা নিজস্ব ক্যাম্পাসে যায়নি, একাধিক ক্যাম্পাসে পরিচালনা করছে তাদের বিরুদ্ধে শিক্ষার্থী ভর্তি রকসহ আইনুনাগ ব্যবস্থা নেওয়া হবে।'

গতকাল বুধবার ঢাকার সাভারের আশুলিয়ায় 'ড্যাফোডিল ইন্টারন্যাশনাল ইউনিভার্সিটি'র (ডিআইইউ) নিজস্ব ক্যাম্পাসে বিশ্ববিদ্যালয়ের ষষ্ঠ সমাবর্তনে সভাপতির বক্তৃতায় তিনি এসব কথা বলেন। এবারের সমাবর্তনে তিন হাজার ৪৭৩ জন স্নাতক ও স্নাতকোত্তর শিক্ষার্থীকে ডিগ্রি দেওয়া হয়। এর মধ্যে চারজন পান চ্যান্সেলর স্বর্ণপদক।

সমাবর্তন বক্তা হিসেবে উপস্থিত ছিলেন ভারতের ডিআইটি ইউনিভার্সিটির প্রতিষ্ঠাতা ও চ্যান্সেলর এবং এডুকেশন প্রমোশন সোসাইটি ফর ইন্ডিয়া'র সভাপতি ড. জি বিশ্বনাথন। এ ছাড়া বক্তব্য রাখেন বিশ্ববিদ্যালয় মঞ্জুরি কমিশনের চেয়ারম্যান অধ্যাপক আবদুল মান্নান, ডিআইইউ উপাচার্য প্রফেসর ড. ইউসুফ মাহমুদুল ইসলাম ও বিশ্ববিদ্যালয়ের বোর্ড অব ট্রাস্টিজের

■ পৃষ্ঠা ৪ : কলাম ৭

মুনাফার উদ্দেশ্যে বিশ্ববিদ্যালয়

[১৯ পৃষ্ঠার পর]

চেয়ারম্যান মো. সবুর খান। নুরুল ইসলাম নাহিদ বলেন, দেশ যখন উন্নয়নের ধারা অব্যাহত রেখে এগিয়ে যাচ্ছে ঠিক তখন একদল স্বাধীনতারোদ্ভী এ উন্নয়ন ও অগ্রগতিকে ব্যাহত করার জন্য ইসলামের ভুল ব্যাখ্যা দিয়ে এদেশের মেধাবী শিক্ষার্থীদের সন্ত্রাস ও জঙ্গি কার্যক্রমের সঙ্গে জড়িয়ে তাদের ধ্বংসের মুখে ঠেলে দেওয়ার অপচেষ্টায় লিপ্ত রয়েছে। তাদের কুমন্ত্রণায় প্ররোচিত হয়ে বেশকিছু তরুণ মেধাবী ইতিমধ্যে বিপথগামী হয়েছে। তিনি বলেন, এই তরুণ, মেধাবী, কোমলমতি, প্রাণবন্ত ও সম্ভাবনাময় শিক্ষার্থীরা যাতে ইসলামের ভুল ব্যাখ্যাদানকারী জঙ্গিদের কবলে পড়ে জীবন ধ্বংস না করে সেদিকে সবাই সজাগ দৃষ্টি রাখবেন।

সমাবর্তনে ইউজিসি চেয়ারম্যান অধ্যাপক আবদুল মান্নান বলেন, 'ড্যাফোডিল ইউনিভার্সিটি নিয়মিতভাবে গবেষণা চালিয়ে যাচ্ছে এবং নতুন উদ্যোক্তা তৈরি করছে, যা বহুতর উন্নয়নের দিগন্ত উন্মোচন করবে। এই বিশ্ববিদ্যালয় দেশের আইসিটি খাতের উন্নয়নে গুরুত্বপূর্ণ অবদান রাখছে। ডিআইইউ উদ্যোক্তা সৃষ্টির ধারা অব্যাহত রাখলে শিক্ষার্থীরা চাকরি খোঁজার পরিবর্তে নিজেরাই চাকরি দিতে পারবে।'